



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

25.07.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի ՍՑ-41/16

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 12.04.2016թ. թիվ 1/73-1/11890-16 գրությամբ ներկայացված «Հայկ-Մար» ՍՊԸ-ին (ՀՎՀՀ՝ 01217216) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախա-ձեռնած բողոքը (այսուհետ նաև՝ ՍՑ-ԳԲԽ-41/16 բողոք), ինչպես նաև ՍՑ-ԳԲԽ-41/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 21.07.2016թ. ներկայացրած եզրակացությունը, պարզեց.

1. ՀՀ ֆինանսների նախարարության ներկայացրած պահանջը

ՀՀ ֆինանսների նախարարությունը (այսուհետ նաև՝ Նախարարություն) 24.06.2015թ. թիվ 1/73-1/16391-15 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «Հայկ-Մար» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

Միաժամանակ, ՀՀ ֆինանսների նախարարությունը տրամադրել է տեղեկատվություն, որի համաձայն՝ «Հայկ-Մար» ՍՊԸ-ն 07.05.2015թ. դրությամբ ունեցել է 223 675 ՀՀ դրամ ժամկետանց հարկային պարտավորություն:

Կենտրոնը ուսումնասիրելով գործում առկա փաստաթղթերը 30.03.2016թ. թիվ 01/04.1/1248-16 գրությամբ ՀՀ ֆինանսների նախարարությանը հայտնել է, որ ՀՀ ֆինանսների նախարարության 24.06.2015թ. թիվ 1/73-1/16391-15 գրությամբ ներկայացված «Հայկ-Մար» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Սակայն, ՀՀ ֆինանսների նախարարությունը 12.04.2016թ. թիվ 1/73-1/11890-16 գրությամբ հանձնարարել է Կենտրոնին նախաձեռնել «Հայկ-Մար» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. «Հայկ-Մար» ՍՊԸ-ի ներկայացրած փաստարկները և դիրքորոշումը

«Հայկ-Մար» ՍՊԸ-ն 18.08.2015թ. Կենտրոնին ներկայացրած գրությամբ հայտնել է, որ 2015թ. մայիսի 8-ի դրությամբ Հայաստանի Հանրապետության պետական բյուջեի նկատմամբ չի ունեցել ժամկետանց հարկային պարտավորություններ՝ ներկայացնելով ՀՀ ֆինանսների նախարարության Շենգավիթի տարածքային հարկային տեսչության 14.05.2015թ. տեղեկանքի պատճենը:

Ընկերության ներկայացուցիչը, մասնակցելով 05.05.2016թ. ժամը 17:00-ին Կենտրոնում կայացած ՍՑ-ԳԲԽ-41/16 բողոքը քննող հանձնաժողովի նիստին, հայտնել է, որ հայտը ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:

3. Հայաստանի ազգային պոլիտեխնիկական համալսարանի ներկայացրած փաստարկները և դիրքորոշումը

Հայաստանի ազգային պոլիտեխնիկական համալսարանը (այսուհետ նաև՝ Պատվիրատու) 10.08.2015թ. թիվ 01/13.1/1872-15 գրությամբ Կենտրոնին հայտնել է, որ

«ՀԱՊՀ-ՇՀԱՊՁԲ-15/9-15/15» ծածկագրով շրջանակային համաձայնագրերի միջոցով գնում կատարելու ընթացակարգի շրջանակներում «Հայկ-Մար» ՍՊԸ-ի վերաբերյալ Պատվիրատուի կողմից ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին կատարված հարցմամբ «հայտը ներկայացնելու ամսաթիվ» սյունակում նշվել է մասնակցի կողմից ներկայացված փաստաթղթերի ստորագրման ամսաթիվը՝ 07.05.2015թ., մինչդեռ Ընկերությունը հայտը ներկայացրել է **08.05.2015թ.**:

Հաշվի առնելով վերոգրյալը՝ Պատվիրատուն կրկին հարցում է կատարել ՀՀ ֆինանսների նախարարությանը, որին ի պատասխան 19.05.2015թ. վերջինս տրամադրել է երկրորդ եզրակացությունը, որի համաձայն՝ «ՀԱՊՀ-ՇՀԱՊՁԲ-15/9-15/15» ծածկագրով շրջանակային համաձայնագրերի միջոցով գնում կատարելու ընթացակարգի մասնակից «Հայկ-Մար» ՍՊԸ-ն **2015թ. մայիսի 8-ի** դրությամբ չի ունեցել ժամկետանց հարկային պարտավորություն:

4. ՍՑ-ԳԲԽ-41/16 բողոքի վերաբերյալ «Գնումների աջակցման կենտրոն»

ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 21.07.2016թ. եզրակացությունը և առաջարկել է ՀՀ ֆինանսների նախարարության 12.04.2016թ. թիվ 1/73-1/11890-16 գրությամբ ներկայացված «Հայկ-Մար» ՍՊԸ-ին (ՀՎՀՀ՝ 01217216) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

5. ՍՑ-ԳԲԽ-41/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 12.04.2016թ. թիվ 1/73-1/11890-16 գրությամբ ներկայացված «Հայկ-Մար» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. Հայաստանի ազգային պոլիտեխնիկական համալսարանի կողմից կազմակերպված «ՀԱՊՀ-ՇՀԱՊԶԲ-15/9-15/15» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով «Հայկ-Մար» ՍՊԸ-ն **08.05.2015թ.** հայտ է ներկայացրել:

2. Մասնակիցը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

3. Պատվիրատուն, ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին կատարված հարցմամբ «հայտը ներկայացնելու ամսաթիվ» սյունակում նշել է մասնակցի կողմից ներկայացված փաստաթղթերի ստորագրման ամսաթիվը՝ 07.05.2015թ., մինչդեռ Ընկերությունը հայտը ներկայացրել է **08.05.2015թ.:**

4. Պատվիրատուն կրկին հարցում է կատարել ՀՀ ֆինանսների նախարարությանը, որին ի պատասխան 19.05.2015թ. վերջինս տրամադրել է երկրորդ եզրակացությունը, որի համաձայն՝ «ՀԱՊՀ-ՇՀԱՊԶԲ-15/9-15/15» ծածկագրով շրջանակային համաձայնագրերի միջոցով գնում կատարելու ընթացակարգի մասնակից «Հայկ-Մար» ՍՊԸ-ն **2015թ. մայիսի 8-ի** դրությամբ (հայտը ներկայացնելու օրվա դրությամբ) չի ունեցել ժամկետանց հարկային պարտավորություն:

07.05.2015թ. մինչդեռ Ընկերությունը հայտը ներկայացրել է 08.05.2015թ.

5. «Հայկ-Մար» ՍՊԸ-ն 18.08.2015թ. Կենտրոնին ներկայացրած գրությամբ, ինչպես նաև 05.05.2016թ. ժամը 17:00-ին Կենտրոնում կայացած ՍՑ-ԳԲԽ-41/16 բողոքը քննող հանձնաժողովի նիստին ներկայացրել է Շենգավիթի տարածքային հարկային տեսչության 14.05.2015թ. տեղեկանքը, որի համաձայն՝ Ընկերությունը **2015թ. մայիսի 8-ի** դրությամբ (հայտը ներկայացնելու օրվա դրությամբ) չի ունեցել ժամկետանց հարկային պարտավորություններ:

6. Կենտրոնը ուսումնասիրելով գործում առկա փաստաթղթերը 30.03.2016թ. թիվ 01/04.1/1248-16 գրությամբ ՀՀ ֆինանսների նախարարությանը հայտնել է, որ ՀՀ ֆինանսների նախարարության 24.06.2015թ. թիվ 1/73-1/16391-15 գրությամբ ներկայացված «Հայկ-Մար» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

7. ՀՀ ֆինանսների նախարարությունը 12.04.2016թ. թիվ 1/73-1/11890-16 գրությամբ հանձնարարել է Կենտրոնին նախաձեռնել «Հայկ-Մար» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

6. Խորհրդի հիմնավորումները և եզրահանգումը

Քննելով ՍՑ-ԳԲԽ-41/16 բողոքը, Խորհուրդը գտնում է, որ այն ենթակա է մերժման հետևյալ հիմնավորմամբ.

Հայաստանի ազգային պոլիտեխնիկական համալսարանը 10.08.2015թ. թիվ 01/13.1/1872-15 գրությամբ Կենտրոնին հայտնել է, որ «ՀԱՊՀ-ՇՀԱՊԶԲ-15/9-15/15» ծածկագրով շրջանակային համաձայնագրերի միջոցով գնում կատարելու ընթացակարգի շրջանակներում «Հայկ-Մար» ՍՊԸ-ի վերաբերյալ Պատվիրատուի կողմից ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին կատարված հարցմամբ «հայտը ներկայացնելու ամսաթիվ» սյունակում նշվել է մասնակցի կողմից ներկայացված փաստաթղթերի ստորագրման ամսաթիվը՝ 07.05.2015թ., մինչդեռ Ընկերությունը հայտը ներկայացրել է **08.05.2015թ.**:

Հաշվի առնելով վերոգրյալը՝ Պատվիրատուն կրկին հարցում է կատարել ՀՀ ֆինանսների նախարարությանը, որին ի պատասխան 19.05.2015թ. վերջինս տրամադրել է երկրորդ եզրակացությունը, որի համաձայն՝ «ՀԱՊՀ-ՇՀԱՊԶԲ-15/9-15/15» ծածկագրով շրջանակային համաձայնագրերի միջոցով գնում կատարելու ընթացակարգի մասնակից «Հայկ-Մար» ՍՊԸ-ն **2015թ. մայիսի 8-ի** դրությամբ (հայտերը ներկայացնելու օրվա դրությամբ) չի ունեցել ժամկետանց հարկային պարտավորություն:

«Հայկ-Մար» ՍՊԸ-ն 18.08.2015թ. Կենտրոնին ներկայացրած գրությամբ հայտնել է, որ 2015թ. մայիսի 8-ի դրությամբ Հայաստանի Հանրապետության պետական բյուջեի նկատմամբ չի ունեցել ժամկետանց հարկային պարտավորություններ՝ ներկայացնելով Շենգավիթի տարածքային հարկային տեսչության 14.05.2015թ. տեղեկանքը, որի համաձայն՝ **Ընկերությունը 2015թ. մայիսի 8-ի դրությամբ (հայտը ներկայացնելու օրվա դրությամբ) չի ունեցել ժամկետանց հարկային պարտավորություններ:**

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Այսպիսով, Խորհուրդը արձանագրում է, որ «Հայկ-Մար» ՍՊԸ-ի կողմից 08.05.2015թ. հայտի N 2 հավելվածով ներկայացված հայտարարությունը չի հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում, քանի որ Ընկերությունը համաձայն՝ ՀՀ ֆինանսների նախարարության կողմից 19.05.2015թ. տրամադրած եզրակացության, հայտը ներկայացնելու օրվա դրությամբ **(08.05.2015թ. դրությամբ)** չի ունեցել ժամկետանց պարտքեր Հայաստանի Հանրապետության հարկային վճարների գծով, ուստի Խորհուրդը գտնում է, որ ՀՀ ֆինանսների նախարարության 12.04.2016թ. թիվ 1/73-1/11890-16 գրությամբ ներկայացված «Հայկ-Մար» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 5-րդ մասով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 12.04.2016թ. թիվ 1/73-1/11890-16 գրությամբ ներկայացված «Հայկ-Մար» ՍՊԸ-ին (ՀՎՀՀ՝ 01217216) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝

Հայրապետյան Գևորգ

Անդամ՝

Նազարյան Մանե

